

## Hoavda Leif Jakobsson

### Svenska kulturfonden

Svenska kulturfonden beales háliidan liekkusit sávvat lihku Anára kirkosiidii otné sáme kulturguovddáš Sajosa rahpanbeaivve. Lihkusávdagat mannet olles sámeálbmogii dán din ođđa hálddahusa, kultuvrra, skuvlema ja čehppodaga guovddáža rahpanávvudeami dihte.

Dát arkitektuvrralaččat fiinna oppalašvuohta bohtá leat nana biras sámiid ja guovllu eará ássiid doaimmaide.

Suoma ruotagielat álbmot lea historjjálaš sivaiddi dihte beassan doaibmat iežas doaibmabáikkiin ja dan ánsus čeahkanit, doaibmat ovttas, vuodđudit servviid ja oasálastit kultuvrai, dainna čuovvumušain ahte somaruottelašvuohta otná beaivvege lea min riikkamet riggodaga oassi ja fállá molssaevttolaš perspektiivvaid.

Otné illudit ođđa fiinna kulturguovddážiis, muhto dii diehtibehtet goittotge ahte eai dušše seainnit leat doarvái. Dállu eallá easkka go doppe lea doaibma. Din plánat dálu doaimma hárrái leat buorit ja gudneáŋgirat - buorre ná. Muhto dálu 4700 njealjehasmehtera eaktudit bargoveaga, vuoi doaibma boadášii ovdánit.

Svenska kulturfonden háliida oasálastit dáid oktasašdoaimmaide ja ođđa kulturguovddáža doaimma álggus fállá bargiresurssa dálu vuosttas doaibmajahká. Dárkkuhussan lea addit vejolašvuođa miedihemiin veahkkeruđa nuorra, ruota- dahje guovttegielat bures skuvlejuvvon olbmui, bargan dihte Sajosis, oassin dálu bargoservoša ovtta jagi áiggi. Háliidit dánláhka konkretalaččat doarjut Sajosa. Sávaldahkan lea maiddá ahte veahkkeruđa oážžu bargi máhccá fárustis vásáhusat ja dieđut sáme kultuvrras, main sutnje lea illu persovnnalaččat, muhto maid son sáhtášii lávdadit maiddá earáide.

Sajosa dieđihanmateriálas dálle namuhuvvo mánggakultuvrralaš deaivvadanbáikin. Mu mielas dehálaš lea, ahte sámit ja suoma ruotagiellagat ovddidit ođđa gulahallanvejolašvuođaid, fuolakeahhtá historjjálaš erohusain mii sáhttit ovttas ovddidit mánggakultuvrralaš Suoma. Vaikke máilbmi ođđa tehnikkalaš vejolašvuođaid mielde gáržu ja lahkoniit jámma nuppiideamet, lea goittotge váidalahtti, ahte mis Suomas leat oassebealit geaid Suopma-govvii eai čága earáláganvuohta, kultuvrralaš mánggahámatvuohta iige giellaid girjái vuohta.

Din fiinna áigáioažžun - Sajos - lea mearka das ahte Suoma sámeálbmot geahččá bohttevuhtii rabas čalmmiiguin ja mánggakultuvrralaš riikkamet čevláš oassin.